

盤洲文集

八



賜金安節辭免吏部尚書兼侍讀不允詔

勅安節省所奏辭免除權吏部尚書兼侍讀恩命事
具悉朕惟六官之長莫非民譽三銓之柄尤在得人
以卿篤實剛方颺聲中外拜儀禁路迄今累年石畫
嘉謨據公守正瑣闥之望如烏臺時松柏後凋在廷
寡二小天典選見謂清平甲命于茲作我常伯露門
進讀班列益尊奚為執謙尚格成渙所請宜不允

賜徐林辭免給事中不允詔

日居

朕愛惜名器不輕假人侍禁才難寧刑印而不予卿
古之直諫為國老成勇退拜三色無喜愠久不見賈
形之寤寐瑣闥虛位無以易卿曷為引疾未聞命駕
一節以趨當事斯語

賜張浚拜辭免息命不允不得拜有陳請詔

王者守大公之道用捨不可以私君子高易退之風
出處誰得而議卿三朝舊德四海美名雖嘗垂翅於
回谿必欲快心於狼望掌握重任勤勞累年精神旣
折於遐衝體貌宜加於異礼存披來奏未諒茲懷亟
祗渙汗之恩可絕謙撓之請

賜張浚第三辭免恩命乞致仕不允不得更有陳請詔

朕去月丁丑嘗告天昕之庭以貳公極品重鎮節旄賁卿七閩之行卿迺輕軒冕薄方面殆欲長嘯東山繼羣賢疏廣之迹脩然之志卿則高美美矣人其以朕為忘者哲而忽典刑也三章固辭命不可反

賜兵部尚書湖北京西路制置使虞允文乞宮觀不允詔

朕以邊陲未清戎事為大專闡重寄倚我寶昌卿潛筭可以料敵雅望可以折衝備禦之策厥有功緒襄漢仍年無犬吠之警賢長城遠矣需封拜至迺欲優游林壑以成易退之名將使朕焦心西顧日昃不得食於汝安乎少湏艾寧歸國論

賜資政殿學士知潭州黃祖舜乞宮觀不允詔

長沙壤闊民繁一都會也夷獠錯雜其間連率不稱職別有弄兵山澤之憂殆機宥之老望實隱然息偃于蕃效見寧謐朕方以得人為喜真章句閑難以曲徇

賜汪應辰辭免敷文閣直學士四川安撫制

置使不允詔

坤維之壤邈在一隅方伯之權隆於九牧卿有尊主庇民之學負昂霄聳壑之材偃藩索年方駕前哲將馳一節入補從橐之虛乃睠四川會有高牙之關與其尊朝以納朝夕之誨不若制閩以寬宵旰之憂萬里甚勞此行六閣未足為寵如尊乃勇顧蜀道以何難維周之翰使雪山之益重

賜宰執湯思退等乞全免南郊支賜不允詔朕將執犧牲圭幣初見上帝寔賴二三股肱之巨秉德顯相以跋祠錯事卿等行為世表濟我儉德匪頒

之武三分損二仲春丙子制書著為令矣忽搯來牘又欲悉免所賜雖由衷體國陳義甚高若盡廢舊章殆非中道

賜龍圖閣直學士趙子滿辭免知福州不允詔

七閩居鯨波之湊亡命者或沈浮其間必威愛兩全能蘇枯鋤茲然後勝連率之任卿材堪理劇所至瑜人尹京之美如漢趙張弭盜鄞川桴鼓不警徒鎮有命宜疾其軀毋使吾民歎於來暮

賜戶部侍郎淮東宣諭使錢端禮乞宮觀不

允詔

朕垂意邊防日具或不暇食自淮以往簡兵調馬豐財積粟謹保障備器械其素定之策固已斷然于中卿智略輻湊有憂國之風嗤空言務實用朕故輟之論思倚以治外雖官以諭指為名實行督軍之事卿叱馭甚勇圖上方略剋剔蠹弊咸契朕心逆歸奏陳備見計慮歲去秋矣豈以疾求去時耶日竚再行寬我憂顧

賜錢端禮辭免吏部侍郎不允詔

卿學問淵原於今古論議燭察於是非再掌民曹久

勞心計出使淮甸如朕親行念累歲之用兵獨武銓之橈法仕者徼幸而得志吏或並緣而為姦非資通練之材曷採放紛之弊雖然少進蓋匪超遷何須踵故之辭尚事循墻之避

賜戶部尚書韓仲通辭免荆襄制置使不允

詔

善保家者必固其四壁然後穿窬之患可弭善養生者必衛其四體然後晦明之疾不作朕軫慮邊垂常若臨敵東起淮泗西秦蜀以吾三從巨分專閫之權矣襄漢介乎其中縣地數千里百將所屯障隊相望

指麾揔統厥寄非輕卿蚤歷險艱能知兵事又儀禁
路備見嘉猷憂國惓惓寔惟素縕折衝制勝倚俟茂
勛上牘執謙迺為稽命

賜尚書左僕射湯思退生日詔

仲商之吉清籥將中詠松楸之降神夢傳巖之資弼
有若伊陟格帝式賴宏撫可與王喬爭年宜膺壽嘏
迺申蕃錫庸體睠懷

賜皇兄岳陽軍節度使開府儀同三司居廣

生日詔

九秋強半萬寶滂成惟時宗英集此間氣庸舉廩庖

盤洲文三

五

田行

之錫以榮弧矢之反宜服寵光用迎昌熾

賜崇信軍節度使開府儀同三司充萬壽觀
使趙密乞致仕不允詔

卿識潛季法名壓花卿蚤揚貝冑之威入護羽林之
士伍符甚整師律可稱茲問館之均休俾昕朝之借
重據鞍矍鑠誰謂伏波之衰扣楫掃清未減祖生之
志奚為上牘遂欲挂冠益務保宦毋輕眷倚

賜吏部尚書金安節乞致仕不允詔

朕讀詩至于雖無老成人尚有典刑書至于尚猷詢
茲黃髮未嘗不輟卷三歎蓋養老乞言古昔之令典

而限年致事仕進之常規也禮經之制迺為錄錄凡
材戒之在得者設若不得謝豈虛文哉卿年高德邵
名聲四馳魁壘尊朝徒得君重今百僚櫛然神佩相
映顧不能容虎眉一老以表儀班列耶捨朕而去人
謂斯何

賜賀允中赴闕詔

朕總攬紀綱規恢緒業思得黃髮台背之傑尊我朝
廷若睹景星鳳皇之祥編之圖謀仰器閣而用遠學
廣而聞多道可伴八臯曷言必稱於堯舜清節懿行
表諸薦紳讜論之猷爛其章奏令德無古今之間美
聲洽中外之傳崇易退之風尚抽簪於壯歲佐更張
之政實補袞於

慈闈有懷典刑每勞注相茲借露門之職俾均雲闕
之休蓋大臣以憂時為心非常人拘謝事之制此期
朝夕之誨毋託春秋之尚安石將如蒼生何難循墻
而固避魯人猶望高子也其叱馭而疾驅特講舊章
始盼溫詔睠惟碩輔必體至懷

賜湯思退等為水潦害稼待罪不允詔

朕德不足以感召和氣迺邪陰奸陽常雨為罰水不
潤下傷我百穀今駐蹕于茲吳中蓋根本之地而膏

腴之鄉也歲一不登如公私何卿等宜圖內外之治
思政刑之失求拯留之方叶心力行消去變異以副
朕應天憂民之實合辭引咎非所願聞

賜湯思退等為水潦再上表待罪不允不得

更有陳請詔

朕以政之失中水不就下思銷復之策方盡心焉引
變調之僭既聞耳矣非躬有過自輔何嫌解琴瑟而
更張賴於協力歸印綬而自為勿復費辭

賜趙密辭免少保乞守太官致仕不允詔

卿執戈衛社有籍甚之雄名結髮從戎迨皤然之暮

東坡先生集卷之二十三

七

田行

景父奉祠而均佚忍負續以遺榮懇請既堅去心莫
過茲陞華於亞保用甄寵於老臣何須偃偻之詞未
體寵之意亟其祗肅恭夸彼等夷

賜金安節辭免敷文閣學士不允詔

疏廣盛東門之餞觀者皆賢九幾懷北陌之游去之
何果卓然夙望踵此高蹤卿道不詭隨言皆至當烏
臺謬謬寧抑厭而退藏青瑣却昂實剛方之素縕良
金既已百鍊喬木聳其千尋忍輕禁橐之榮遂起安
車之興念羽儀之道賴沉筋力之未衰屢搢忱封勉
從雅志雖無人乎丁患之側臣者不留抑使親聞伯

夷之風頑夫丕變用躡內閣之職俾對昕朝而歸優
任子之常科盡貪賢之異禮尚勞冲挹局副眷私

賜虞允文辭免顯謨閣學士知平江府不允

詔

卿名馳禁路材軼英躔羽扇綸巾嘗掃舟中之敵輕
裘緩帶久宣塞上之勞會具郡之闕人聽輿言而出
命陟之內閣重我輔藩使道路不復拾遺則京師於
是蒙福事無可避行也勿違

賜賀允中辭免落致仕提舉萬壽觀兼侍讀

不允詔

蘇州府志卷之五

八

田符

朕願見耆艾不童飢渴惟時舊德近在數百里間迺
下尺一之詔使之乘駟造朝濟我國論卿左右承弼
天下達尊聞命幡然朕心以擇惓惓不忘君真古之
所謂忠臣也歟祠庭經幄何以辭為

賜皇子鎮洮軍節度使開府儀同三司恭王

生日詔

節兩間而吹律式對盛秋良三索而得男是占吉夢
惟璿源之毓粹宜貝闕之延休爰飭恩朕以崇壽豈
賜資政殿大學士左通議大夫致仕賀允中
辭免知樞密院事兼權參知政事恩命不允

詔

朕假人不以名器寧或虛負執政其猶股肱相湏成體眷本兵之任重久選衆而才難既得老成之典刑必致樞機之周密卿忠在王室行如古人博物洽聞言謨有補於世獨行特立卷舒不隨乎時造朝無俟駕之淹接書非括囊之比蔽自朕志冠于宥庭仍參豫於大鈞迺弼諧之舊物紀綱益振帷幄可尊宜祗兩命之榮勿執三休之美

賜淮東宣諭使錢端礼乞罷遣不允詔

趙營平畫軍冊是其計者初什三中什五最後什八

卷九十三

九

三十一

宣帝聽之不疑故功名垂于亡窮卿銜命治邊于今半載忠謀潛畫纖悉曲折犁然當於朕心公卿議臣亦未嘗有異同之論也何疑上書遂欲解印綬去朕方治使者車結二國之好庶幾邊城有晏閑之期夫為山九仞功虧一簣毋憚小留以訖成績

賜起復檢校少保威塞軍節度使充河北路

招撫使建康府駐劄 御前忠毅軍都統制

蕭琦乞宮觀不允詔

朕捐高爵推赤心以待將帥熊羆之士無此疆爾界之殊庶幾得人如金日磾渾瑊等輩宣力成功方駕

前古卿驍毅冠軍策略深遠銳然右社不爽初志入對便朝誠諒有餘朕所以寵之齋壇授之將鉞異汝忠義奮發副我倚信神明扶持何恙不已求閑之事勿効虛文

賜太傅寧遠軍節度使和義郡王楊存中生

日生餽詔

日躔并宿對桑弧蓬矢之辰天佑將星得燕領虎頭之相彝鼎紀嚴嚴之績衣旄榮王社之封恩錫有常壽感斯介

賜張浚辭節少師保信軍節度使判福州恩

盤洲文集卷第十三

十

王朴

命不允詔

朕以卿連年督軍殫耗心志復調台鼎坐不煖席跋履江淮之間風纏露沐亦已勞矣方趣來歸而抗章再三欲追赤松之游詔旨雖頒顧不得而留也躋榮亞師蓋非常典齋鉞之拜在儒者則以少爲貴始終眷遇所以寵卿之歸抑無負美全閩之寄慰彼一思又何以辭爲

盤洲文集卷第十三



盤洲文集卷第十四

陳康伯

賜少保觀文殿大學士充醴泉觀使福國公
陳康伯辭免判紹興府不允詔

御道蘊叢龍名參魏邴久處中而當軸能亮采以
疇懷赤松之游遂輕元宰享綠野之佚既閱三
岳狩之輔藩起巖瞻之舊德幾馮牙而為重茲擊柝
之可聞尚馳稱疾之章未動趣裝之意先一州而後
天下已有媿於是言潤九里而福示師豈遂忘於斯
世即期引道勿事循墻

盤洲文集卷第十四

陳康伯

賜知樞密院事兼參知政事賀允中乞依舊
致仕及還納前後錫賜恩數不允詔

卿夙鍾蹕絕之材內抱經綸之志鍼膏肓於泉石惠
然肯來訪謀謨於廟堂酌焉不竭政賴同寅之助庶
圖再造之勳又欲挂冠曾不暖席豈朕尊賢之禮有
所未至而卿致主之道亦不克終勿輕去就之懷有
負倚毗之意

賜左僕射湯思退辭免都督江淮軍馬不允

詔

夫有文事必有武備孔子所以克齊無智名而無勇

功張良用之與漢雖戰陳不逮胡筮之學而籌策自高帷幄之中顧方略之何如豈儒術之無益御臨機有斷燭理甚明已能制勝於兩楹何憚啓行之十乘惟善致君者必欲立事恐不知我者謂之辭難宜略擣章以圖成効

賜少保崇信軍節度使趙密辭免落致仕權殿前司職事不允詔

昔馬服善兵能成弱與之績管平維老不憚金城之行以卿久護周廬寧專勇辭必能追於臯祖尚有志於庸公迺出異恩俾還舊服無謂掛冠之後遂忘持戟之忠其體春憐勿拘辭避

至十一身一

二

張興

賜大傅寧遠軍節度使醴泉觀使和義郡王楊存中辭免同都督江淮軍馬不允詔

朕留神以治軍政拊辭而思古人命丞相以董師將展百邊之餼有元戎而共服更增十乘之光卿甲令稱忠太常紀績閑御深遠洞龍弢應敵之機福艾竒厖得虎頭食肉之相當兵革未能休息豈英傑可以韜藏謀上將以貳元台賢長城而開大府幾萬全之良策成七德之峻功渙命已行謙辭勿講

賜左諫議大夫淮西宣諭使王之望辭免參

知政事不允詔

卿乘駟馬車入蜀十年之間徧持使節兵民疆場之事無遠近巨細皆知之而學可以伸其志文可以暢其說材可以任重致遠謀可以見微炤隱邦家之榮君子之光也諭指淮壖邊備其設奏函鼎來輟食嘉歎與其外治於軍政不若歸功於廟謨蔽自朕心躋之兩地夫君臣遇合千載一時趣裝亟來勿執謙辭賜吏部侍郎准東宣諭使錢端禮辭免兵部尚書

改旨兵部軍事不允詔

夫能折衝者君子之謀不避難者忠臣之職卿受任撫邊悉心盡慮城隍六甲御寇之善矣朕以交隣之始將帥之心未一故遣督府以重其權命爾為大司馬以贊之庶幾制勝定功舉無失策再三稱疾朕何望焉

賜左僕射湯思退乞罷機政不允不得再有

陳請詔

大丞相所與朕決中外之計以身為天下安危者也君臣之間無纖介猜嫌何為連章直欲歸印朕焦心勵精內修政事遏衝固圉外治軍旅以文武二柄專屬任一相庶幾邇安遠肅奠枕于京使朕仰有以奉

慈闈之歡俯有以遂元元之樂則卿亦有無窮之聞也夫忠臣在朝故猶不忘其君卿圖回廟堂任重濟難勞亦至矣無謂大雅保身而輕為此去就也

賜左諫議大夫充淮西宣諭使王之望再辭免參知政事乞言觀不允詔

涇稟川嶽之暉有公輔之器英名擅乎中外輿學達乎古今經武整軍意於肝食料敵制勝明蓋察於秋豪既疆本以能運台意俾參大政冀展壯猶有德進可自厚詐斯寢真儒用而天下無敵治効可成其功勿牽至再之請

蘇州府

四

張真六

賜給事中王辭免吏部侍郎不允詔

士君子公耳忘私言而行烏有親而河曲之患然三尺法大為之坊非為端入正士也爾能養剛大之氣素擅直方公甫入東臺正駁輔臣有連必無偏黨接此正路甚力亦不欲使汝破律造端也小雖高抑汝妻路夫何辭之有

賜參知政事王之望辭免督視江淮軍馬乞致仕不允詔

朕以境土分裂宿憤不撫顧瞻中原不前一日忘於心仰冀茲謀俯廷議屈意尋盟固已逆料其不成

也夷狄無厭竟為我首卿習知邊瑣智略縱橫揆策
運籌吾見剛者鈞之拜所恃有為今禦侮捍衝機
不容緩非捐遜求和從容拯溺之時以卿憂國之忠
吞敵之氣必能言不復避事視師之命舍卿而誰
勿淹引道之期何俟清邊之効

賜左僕射湯某議政不允詔

昔越勾踐苦身焦思圖報疆吳謂與鄰國親附百
姓蠶不加種故舉國政屬之種而某蠶治兵田之事
內外得人終刷會稽之耻今橫狄爭戈犯我邊鄙雖
卿受任董師前有成命人心排難圖全在于左右其責

張興

甚大一相之勢某易某非某於京之計也慮之
再二權某再某代此行舉棋不定朕則有
媿委而某善某

賜某思退辭某勸文殿大學士不允詔

卿再相某忠勞備至塞氛孔熾尚賴畫策出奇之
助悠然某朕甚惜之規殿美某所以增衮衣之光
亦卿之某也過刑某豈諒朕懷

賜楊中修某都督不允詔

朕以敵人犯塞師衆在邊欲專總統之權用注安危
之意凡吾成役咸聽指麾庶某五申之明無某

九牧之患以卿老於戎事積有智名必能展於壯猶
遂克成於躋績徽章已播輿誦謂宜益有衛社之忠
勿講循墻之避

賜陳康伯辭免召赴昭祠不允詔

朕有懷英公顯相於郊禋已播明綰俾復持於國
秉茲披前庸難廢細書勿稽中駕之期終覬奉璋之
助

賜江州書錢端禮辭免端明殿學士簽書

樞密院事不允詔

朕疇次舊望神機莫據惟帷之謀用應甲兵之

六 張四六

問茲披來情乃徇搗文况富多壘之秋豈是循墻之
日亟其承副我虛懷

賜顯謨閣學士虞允文辭免端明殿學士同

簽書院事不允詔

朕以敵國阻厭難折衝之材者豈
足以居本兵之地以卿文而武所慮甚長疇昔視
師史舟中之勝名已知於江淮草木矣暨使夾蜀臨
荆襄驅馳兵間濟窮莫府料敵之策整軍之術蓋從
容於胷中迺稽輿言俾贊有書為章來上非我欲聞
賜陳康伯辭免尚書左僕射不允詔

朕外治邊虞內虛相位區處甲兵之問不勝宵旰之勞望卿之來以日爲歲卿以經邦元老固當與朕同憂拯溺拯焚非規行矩步時也

賜參知政事周葵生日詔

月律就盈星躔分秀篤生哲輔能攀房杜之名申錫恩盼用介喬松之壽

賜吏部侍郎吳希辭免敷文閣直學士知臨安府不允詔

王城雜五方之民疆陵弱衆暴寡示尹威望不立則茲究椎埋無復忌憚况有撓其前掣其後者非剛毅

世宗皇帝

張昇

自信未易以辨治稱也卿屢把麾符威而不猛有興利除害之政有蘇枯摘伏之聲典治吏銓浸私蠹弊彈壓輦轂直差易耳均闕峻職庸示寵光毋守冲懷亟圖善最

賜草土沈介辭免特起復元官顯謨閣直學士知鄂州兼鄂岳江黃州漢陽軍沔江制置使不允詔

夫忠孝臣子大節朕豈固欲奪人陟岵之哀而遂廢凱風之詩也蓋公家之事有急於私壺則君子當權其重輕不以報親追遠之情而忘憂國事君之志雖

欲躬曾閔之行然移孝爲忠古人蓋有變禮而不可免者今胡馬南牧闖我四鄙襄漢亦交鋒刃惟長江上流所以襟帶東南也思得有文武威風善方略者往當一面庶幾遏衝禦侮寬我昊食廼建使名俾臨沔鄂疇咨中外無以易卿勉爲朕行勿復固避

賜陳康伯再辭免尚書左僕射詔

夫天子以論相爲職得賢可以永安人臣以憂國爲心有疾猶當彊起若濟川必俟舟楫如作室難虛棟梁明良相須今古不易朕猥以菲德仰承 燕謀惟我大儒首陪初政迨茲多事無出舊人雖老成當遂其燕間顧內外適丁平紛糾所資忠計用集治功况宰臣未至而先除在國朝絕無而僅有宜思注意之重勿以卧病爲辭日冀兼程副予虛佇

賜參知政事周葵乞賜黜責不允詔

卿輔朕踰年肅敬有守明於治亂忠無隱情贊襄政機罄竭勞瘁方今內治未舉外寇孔熾政賴股肱之老同寅協恭計安天下上書引咎是章朕之未燭也勉安厥位圖所報焉

賜敷文閣直學士王剛中辭免翰林學士兼給事中不允仍特免迴避祖諱詔

御學博古今文摘黼黻有潛藩師氏之舊實儒黨人
材之英使之潤色於訓辭可以追蹤於典誥仍司封
繳所賴論思茲覽遜章具知沖守謂祖名之相犯在
官稱而有嫌惟公義當奪夫私情況王制可屈其家
禮唐李賀不舉進士已為韓愈所譏畢士安之居北
門弗避義林之諱勿拘攝節即服恩綸

賜王剛中辭免改除禮部尚書兼給事中直
學士院恩命不允詔

昔帝舜之戒伯夷曰夙夜惟寅直哉惟清朕以卿直
清之操比方前哲既懷避家諱屈以玉堂之直矣秩
宗虛位用尊禁聯夫批敕視草而決聚訟之議儒者
之榮何以過此往哉惟欽勿復謙固

賜周葵辭免資政殿學士不允詔

君子達而在上居台輔之位使朝廷尊安遐邇賴福
名遂而歸嘯傲立壑以松竹為藩籬以鷗鳥為朋儔
進退俱榮豈不超然有餘裕哉卿望傾後學屢上要
津遵道而行不合則去晚陟政地熟聞嘉謨所賴贊
襄以格上治而賦歸其勇指疾錮辭挽之再三不得
而強規殿美職祿有尋章成命已盼勿勞謙避

賜陳康伯辭免兼提督奉玉牒所監修國史提

舉編類聖政不允詔

夫修玉牒之文約金鑰之史纂慈闈之政皆國家信書大典垂之不刊非鴻儒比良遷董者未易居其職上台典領厥惟舊矣機務之隙毋以筆削爲勞也

賜郭振辭免捧日天武四廂都指揮使不允詔

十月巳卯胡人絕淮始禍我濠焚我盱台吞噬我楚迭我合肥蹂躪我固始侵掠我舒城虔劉我臨滁睥睨我六合我師分布于兩路而攘卻之功無聞焉卿許國盡忠奮勵士卒塞旗斬將首奏膚公有進死而

無退生捷音旣騰爲諸將軍之倡冠職交戟非曰賞功何必撓詞以遏戎命

賜陳康伯辭免長男偉節除直祕閣次男安節賜同進士出身不允詔

夫寓直道山有登瀛之美列名科籍如折桂之榮要路由此權輿士林之所歆豔鄉柱石之老邦家之光肯力疾以造朝見竭忠而憂國顧無優禮可示憺懷旣給扶獲上於禁墀故疏寵用霑於子舍蓋祖宗嘗行之事在簡牘具存其文荐覽來章力辭異數當勉承於恩意勿固執於撓情

賜沈介辭免權兵部尚書不允詔

朕以卿資兼文武材出等夷運籌可以折衝整軍必能固圉昇之名節奪爾倚廬闌外之事則制之劇厲荆襄之任舟中之指可掬也仍揔江淮之師方妖祲之未清顧詐謀之難測勉思至計以解外憂惟茲常伯之遷實允與人之誦當體艱難之寄勿為傴僂之詞

盤洲文集卷第十四

蘇州府志



長吳

蘇州文集卷第十五

內制五

賜王之望辭免端明殿學士不允詔

朕承洪業託士民之上若涉淵水未知攸濟思得天
下之傑合謀相輔以成治功故高位厚祿所不敢惜
以卿有慷慨之志更中外之久迺自首諫躋之政塗
今蓋未幾也而雅懷莫遂公論弗孚雖欲留以自近
顧不可得書殿美職乃進退大臣之優禮何至遂有
挂冠之請哉

賜步軍司後軍統制崔阜辭免鄂州觀察使

舟游之十五

田氏

不允詔

朕注意戎事醲於用賞高秩美官未嘗愛惜執此之
信有如皦日卿扞敵淮壤厥有茂勲吉語首馳朕心
以懌觀風之任躡等而遷益思盡忠勿事冲避

賜錢端禮辭免參知政事兼權知樞密院事

不允詔

昔舜命九官濟濟相遜奮庸亮采靡事不理朕甚慕
之卿學足以行道識足以決疑入踐鈞樞能斷國論
疇咨選衆宜幹政機兼冠宥庭助我經武搗詞相推
無媿于古渙汗不反亟其祗服



賜虞允文辭免同知樞密院事兼權參知政事不允詔

朕以眇身獲保宗廟天下治亂在予一人非邦家之英同德一心裨助萬務則安能有濟哉卿充積學問練達事機中外踐更所言可績比參宥畫具見良圖宜副本兵兼預政柄贊襄之效倚俟有成祇服恩榮無勞謙挹

賜王剛中辭免端明殿學士簽書樞密院事不允詔

朕兢兢業業一日二日萬幾寤寐有德之輔天下賢

皇朝通志卷一百一十五

二

田氏

哲肯從我遊者吾能尊顯之卿有佐王之學有拔俗之材入從出藩咸著顯聞復還禁路風望隱然入助籌帷孰曰不可循墻之避非所願聞

賜戚方辭免捧日天武四廂都指揮使不允詔

宰輔以汝求免廂部事入奏夫爵祿者朕所以厲世磨鈍也介冑之士有安邊卻敵之効達於朕聽賞不旋日惟恐忘其功也卿忠不顧身名副其實旂常有紀襲律匪私宜略撓詞亟祇茂命

賜皇子少保鄧王愔生日詔

新穗曆於三微甫迎獻歲視奠階之雙秀厥有休符
爲吾元子之祥得彼列僊之壽爰推恩渥以頌熾昌

賜太尉昭信軍節度使曹勛生日詔

歲籥更端方歌青煒之曲禁門通籍不曷赤松之游
式盼牢醴之珍用介衮旄之壽

賜簽書樞密院事王剛中生日詔

勅剛中獻歲發春景踰三宿元精生佐秀括五行爰
推盼式之常以相壽祺之永

賜左武大夫宣州觀察使龍大淵辭免落階

官不允詔

朕踐好之始擇材爲使必得長於專對者以堅二國
之盟卿講習古訓識慮淵深久於潛藩終始如一盡
忠致主畏遠權勢出入禁闈厥有休聲張旆越三而
憚遐阻俾脫橫列正名重車慶不虛行無事搗固

賜陳康伯乞解罷機政不允詔

朕以非質膺太上傳授之重蚤夜懍懍不敢以位爲
樂念宰相助理萬機圖任之失則不特啞劑之悔而
已故力起舊德還以魁柄衮繡復來即日無田兵之
問顯相肇祀天闈其祥殆亦燮理之効也方倚碩望
尊彊朝廷雖目眚未平顧豈不能奉我清間之燕坐

而論道乎上印鈞歸朕不敢聽

賜參知政事虞允文乞宮觀不允詔

君爲元首臣爲股肱蓋一體相須所以合謀同德計安天下者也卿輔政半載屢告嘉猷筋力方強思慮甚審何嫌何疑遂欲引疾而去詳味來章深所未曉

賜虞允文乞宮觀不允更不得再有陳請詔

卿秉尊朝之德有憂國之風造膝倦倦滿見忠款方倚以爲治庶幾厚厲無前之績未嘗有纖介之間也移疾旬閑何易退如是耶載覽無陳難以曲徇

賜知福州趙子瀟乞致仕不允詔

大夫七十而致事蓋血氣旣衰懼其漏盡鍾鳴而不知止足之戒故先王制禮十爲之防而後世以此約三尺之法也烏有神明之胄筆橐之榮齒髮益壯有能名而欲抽簪高蹈則國家安得而從之羣封口來政爾辭費亟其視事勿侮臣閣

賜凌景夏辭免復徵猷閣直學士不允詔

朕推紫壇之澤于四海無遠邇之間况甘泉之舊學卿性資夷粹操履端方出鎮藩維有慈祥之政入司銓部有平允之聲歸懋叢祠未尋故步茲還內閣之職實聽輿人之言奚用撝章尚留茂渥

賜王大寶辭免禮部尚書不允詔

卿履道醇固蓄德雄剛從列諫坡積有令問退休林壑恬適泰然趨節遠來得倦倦不忘君之誼入對文石筋力未衰宜長春官用資獻替之益已盼漫命奚事搗文

賜趙密再上表辭免少保不允仍斷來章批

答

省表具之朕講修軍政睽遇一三入憲曰利兵嘗言死亡之地故高秩厚禮特優終始之恩茲宿將之告休以貳公而佚老使師衆益思於聖國知朝廷不負

禮部奏

五

王

於用人朕命已行汝辭毋再所請宜不允仍斷來章

賜賀允中再辭免知樞密院事兼權參知政事恩命仍斷來章批答

二老來歸於西伯以齒爲尊九官相推於舜朝匪辭所命我圖耆艾俾典事樞庶幾制勝於兩楹如彼運籌之三傑國有成渙人無間一言當思遇合之難共講治安之策昇之召節旣不鑿坏以爲高覽此奏亟何乃叩闥而未已

賜文武百寮湯思退等上表請

皇帝御正殿復常膳不允批答

涉秋以來天作淫雨害我糶事朕及席輟餐惕然靡寧天裁無子夫豈偶然朝思夕惟顧無以仰荅謹告雖冷氣谷解而沈沒之田農方告病公卿大夫有足國惠民之策能紓我之憂則為愛君復常之請姑置之可也

賜湯思退等再上表請 御正殿復常膳不

允批六

永初遇焉電之異不陳庭下之車祖已戒雉鼎之祥尚改廟中之祀聖不無方古有慚雨集七八月之間遂成積潦聖於以上迨及數城雖采納於

聖澤

六

林

謹言亦舉於聖充政莫救西成之害不勝南面之憂惟卿蒼真於誠聖朕正懷於聖畏上棟下宇難講大昕之儀聖左穀敢豐中昊之御

賜湯思退等三上表請 御正殿復常膳允

批荅

朕罪已畏威便坐夫聖下聖心念淡厚味不復充庖求念各端敢為文具雖恐懼於斯而踰月顧貶損何足以應天卿等咸造廣庭屢騰需贖具陳稽古之訓深見尊君之誠陞九級而上廉勉從來請物百羞以俟饋祗媿多儀所冀責難之恭交修除害之利

賜楊存中上表再辭免同都督江淮軍馬不
允仍斷來章批荅

御材資果毅謀慮沉深百戰摧堅屢奏葉街之捷八
營掌武久尊蘭錡之權時有弛張色無喜愠效邊塵
之未靖豈主事之可辭當思注意之隆必奮折衝之
効夫李靖專用兵之善蓋房杜濟之以文若子儀堅
事上之誠故祿晉比之爲禰宜蠲冲節往副廟謨
賜王之望再辭免參知政事不允斷來章批

荅

朕臨淵思濟寤寤實才外而一州之寄內自郎

吏九卿而上曷嘗易以印綬予人况一二輔弼所與
斷天下事而繫國家重輕者哉以卿通達治體文武
憲邦事不避難精於遠慮必能同德合謀興今復古
無媿於丞民重攻之詩茲用決之朕心峻登政路非
以私卿一己之榮也卿當體朕責成之意夙夜孳孳
同寅和衷發舒賢緼以振可大之業屢章不已非所
望焉

賜錢端禮再辭免簽書樞密院兼提舉德壽
宮不允仍斷來章批荅

朕仰惟 太上皇邁德勳華以神器之重傳歸在子

雖一月三朝竭四海之奉而綵衣問寢不獲旦旦左右若稽 皇祖嘗以廷臣領使于慈宮 朕跽以有請而聖德謙託因仍未皇也以卿受知兩朝出入禁闈況材高識遠籌邊甫歸當此治外宜在樞機之廷崇我孝養立我武事一舉而兩得之又何辭焉

賜虞允文再辭免同簽書樞密院事不允仍
斷來章批荅

夫右府本兵蓋顯戎政北樞垂象寔接階符茲求藝圃之英俾贊籌帷之密既與言之相慶猶遜牘之重陳雖謙沖者君子之常而忠力者股肱之事當思多

壘遂展謀勿徇撫情以留渙命

賜陳康伯再辭免尚書左僕射不允仍斷來
章批荅

辛巳之役中外騷然卿坐于廟朝智略輻湊雍容談笑能解非常之紛今邊陲受敵丞相位虛思我舊人式遏亂略楊廷之後詔札屢頒衮衣來歸國人胥慶宜據遠業遂寢撫詞

賜錢端禮再辭免參知政事兼權知樞密院
事不允批荅

卿練習出故有猷有為隄度庶事猶燭照數計而龜

十也朕知卿之材舊矣邇者贊右府兼政柄啓沃設
施有久大之業試可而遷人望咸允辭至于再吾意
不然

賜虞允文再辭免同知樞密院事兼權參知
政事不允批荅

文武之材繫乎東西府二三大臣通國之望也朕以
卿碩材不器輿論所歸俾佐事樞密策謀審俾參朝
政告猷允戒詳試而進朕命不易繼復深詞難徇來
狠

賜王剛中再辭免學士簽書樞密院

事不允批荅

朕延登民望登堯補儀職三傑以同時盛百王而治
內庶賴多筭匪求近而與合於潛藩崢嶸於禁路
去國之久靡人不稱甫持橐以尊朝宜擁樞而立武
當遵批語遂絕撫函

賜文武百寮宰臣陳康伯等上表奏請

御正殿復常時不允第一批荅

朕念戍邊之暴露躬避殿之焦勞雨雪載塗有感出
車之詠鉤星在漢未皇交戟之朝上天儲悔禍之休
鄰壤結寢兵之好雖擐甲枕戈之士將遂歸期顧垂

衣列鼎之儀敢尋盛典

賜文武百寮等再上表奏請 御正殿復常

膳不允第二批荅

朕比警邊塵歌采薇而遣戍每懷戎幕漸細柳之勞
軍難因多壘之平便講正朝之禮荐披來牘具見勤
誠宜思治內之方姑緩復常之請

賜文正百寮奏請

御正殿復常膳宜允批荅

朕徹禁衛於兩階用閱七旬之久損牽牢之百品敢
陳八物之珍念暴師露衆之勞行修德責躬之事雖

盤洲文集卷第十五

田行

得沉烽之報未施挾纊之恩顧卜鄰近齋宿之期欲
上壽講昕朝之禮勉從忱請徒積媿懷

賜吳璘辭免太傅新安郡王不允斷來章批
荅

朕執爵祿之柄以厲世磨鈍雖五兩之綸半通之銅
未嘗輕以假人况茅社之封槐鼎之任乎卿英望鴻
烈為中興第一卓焉來朝國人相慶大庭孚號僉曰
允哉而執諫再三偃僂之恭猶未已使朕喪顯功臣
之意鬱而未伸卿亦安取此亟其拜命勿復費辭

盤洲文集卷第十五



